

წიგნ. 9936



საქართველოს მემკვიდრე

ფასი 50 ბ.




184

ადმოსავლეთის ვარსკვლავი

№ 47

1920 წ.
ოქტომბრის 31



9936.

იმ დროს, როდესაც ბაქაში მოწვეული ადმოსავლეთის „სოციალისტთა“ კრება დაიხურა და დეპუტატებს ნაქურდადი ნივთები ჩამოართვეს, ადმოსავლეთის ჭირიზონტზე გამოჩნდა ხუთ თავიანი ვარსკვლავი. ბაქოელა მოკვები შირქვე დაუმხენ და თავიანი სტეს ამ სვანგებო მოკვლენას და უწოდეს მას „ადმოსავლეთის ვარსკვლავი“.

ს ი ც ი ლ ი

პირველად რომ თვალი გაახილეს ქვეყანაზე ადამმა და ევამ, სახეზე ორთავეს განცვიფრების, სიამისა და აღტაცების ღიმილი აღებეჭდა.

ეს იყო ერთად ერთი შემთხვევა—პირველი და უკანასკნელი, რომელიც შემდეგ არასოდეს გამეორებულა—როდესაც ადამიანი გაჩნდა ქვეყნათ არა მტირალი, არამედ მღიმატი.

ყველაფერი შევნიერი იყო მათთვის: ღამაში შეუძლებელი. თვალწარმტაცი წალკოტი. კეთილშეზავებული ჰაერი. გემრიელი ხილი.

ყოველსავე სურვილს თვალის დახამხამებაში ისრულებდნენ და რა იყო მწუხარება, ტანჯვა, ნაღველი—არ იცოდნენ.

შვენიერი იყო მათი ღიმილი პირველად, სრული ნეტარებისა და განცხრომის გამომხატველი.

შემოქმედი თვალს არ აშორებდა მათ და თავის ქმნილებათა გვირგვინათ სთვლიდა.

—სრულნი არიან!—ამბობდა მათთვის კმაყოფილი ოსტატი...

მაგრამ ხანი გადიოდა და ადამისა და ევას სახეზე თანდათან რაღაც უცნაური ცვლილება მუდგანდებოდა.

მათი ღიმილი დღითი დღე ჰკარგავდა წინანდელ იერსა და სიცხოველეს, როგორღაც ბრტყელდებოდა და იყინებოდა პირზე და ბოლოს ისე გაქვავდა ზედ, რომ ოდესღაც შვენიერი სახეები, შინაგანი შუქით ანთებული და ამეტყველებული, უძრავ ნიღაბებს დაემსგავსა.

—რა მოუვიდათ?—ჰფიქრობდა შემოქმედი და ველარც კი უყურებდა სახეზე, ისე უწონდა და საზიზღარნი გახდნენ მისი საუკეთესო ქმნილებანი.

—აქ აღარ არის ამათი ადგილი!—გადასწყვიტა შემოქმედმა, საბოლოოდ რომ გული აუტრუვედა მათზე და გააძევა ორივე ედემიდან.

დამცირებულმა და შეურაცყოფილმა ადამიანებმა დასტოვეს ბჭენი სამოთხისანი, პირისპირ დადგნენ უცნაური მომავალის წინაშე და მათი არსება უმწეობისა და შიშის გრძნობამ შეიპყრო.

უბედურებამ, ზრუნვამ და სიკვდილის შიშმა ერთბაშათ წაშალა მათ სახეზე ის უძრავი და უმეტყველო ღიმილი და სამაგიეროთ ტანჯვისა და მწუხარების ბეჭედი დაასვა.

დიდხანს იდგნენ უხმოთ სამუდამოთ დახშულ კარებთან თავზარდაცემულნი და გულ-დამდულ-რულნი.

უცებ ევას რაღაც უცნაურმა სიზბომ მოუწურა და შეუკუმშა გული და მთელს სხეულში დაუარა, შემდეგ იგივე სიზბო ყელში მოაწვა მორგვივით, დაურღვია და აურია სახის კუნთები, აუკანკალა ნიკაპი და თვალეში წასკდა თბილ ნაკადოთ.

და დედამიწას პირველად ეპყრა ტანჯული ადამიანის ცრემლები.

—წავიდეთ!—უბრძანა ადამმა ისეთი ხმით, თითქოს ეს სიტყვა კბილებში გასცრაო.

და პირველი ადამიანები გაუდგნენ ტანჯვით აღსავსე ცხოვრების გზას...

ეს იყო და ეს. მას შემდეგ ღიმი აღარ მიჰკარებია მათ ტუჩებს და ნიადაგ ტანჯვისა და არსებობისათვის ბრძოლაში ჩაბმული ადამ და ევა სამუდამოთ გადაეჩვიენ სიცოცხლს.

ისე ცხოველი იყო წარსული ნეტარების მოგონება და ისე მძაფრი—აწყო, ულმობელი სინამდვილე, რომ არავითარ წუთიერ სიხარულს არ შეეძლო მათი მგლოვიარე გულის გამხიარულება და ტანჯვის მეტყველი სახის ღიმილით გაშუქება.

ღრო მიდიოდა და ყოველ-დღე ახალ-ახალ საფრთხეს, გასაჭირსა და მწუხარებას უმზადებდა ილაჯ-გაწყვეტილ ადამიანებს.

მაგრამ ყველაზე უფრო ძლიერი და საზარელი უბედურება თურმე წინ ჰქონდათ კიდევ:

ადამისა და ევას უფროსმა შვილმა, ბოროტმა კაენმა, მოჰკლა თავისი ძმა, უწყინარი აბელი.

განუსაზღვრელი მწუხარებით სასოწარკვეთილი მშობლები საზარელი ბღაეილით და ღრიალით გაექანენ კაენისაკენ და გონება-მიხდილებივით იმეორებდნენ გმინვით ერთსა და იმავე სიტყვებს:

—რა ჰქენ, შე წყეულო! რა ჰქენ, შე წყეულო!..

კაენი იჯდა მიწაზე ფეხ-მორთხმული და ხელში ის კეტი ეჭირა, რომლითაც აბელი მოჰკლა.

როდესაც ადამ და ევა მიუახლოვდნენ კაენს, ძმის მკვლელი ზეზე წამოვარდა და კეტი მოიმარჯვა, სახე არეული ჰქონდა მძვინვარებისაგან და მის თვალეში საზარელი მკვლელი იცქირებოდა.

ადამსა და ევას ხმა ჩაუწყდათ და ორივე კანკალმა აიტანა, ისე საშიშარი იყო კაენი.

უხმოთ გაბრუნდნენ უკან და საყვარელი შვილის გაციებულ გვამს ჩაეკრნენ.

კაენი კი იდგა ისევ იმგვარათ, ხელში კეტ-მომარჯვებული და მხეცივით იცქირებოდა სივრცეში.

მას შემდეგ ადამ და ევა ველარ ჰბედავდნენ კაენის სიხლოვეს გავლას.

ხოლოოდ პატარა სეთით, კაენის უმცროსი ძმა მიდიოდა ხშირათ მასთან და დიდხანს უცქეროდა ხოლმე ცნობის მოყვარეობით სახეში.

ერთხელ, როდესაც სეთით ჩვეულებისამებრ მივიდა კაენტან და დაუწყო ყურება დაუხამხამებლათ, კაენმა ველარ მოითმინა და მოწყვეტით მიტრიალდა მისკენ.

—რას მომჩერებხარ? დაიკარგე აქედან!—დაუყვირა მან პატარა ძმას.



სეთმა არა უბასუხა-რა, ისევ ისე უძრავათ იდგა მიშტერებოდა თვალეში.

— დაიკარგე-მეთქი! არ გეყურება? — დაიღრიალა კაენმა.

— შენ რათ დადუმე აბელი? — ნელისა და წყნარის ხმით ჰკითხა სეთმა და კიდევ უფრო თვალდასმით ჩაჰხედა თვალეში.

კაენს ტუჩები აუთოთოლდა ბრაზისაგან.

— წაეთრიე აქედან, თორემ შენც დაგადუმებ! — ყრუ ხმით წარმოსთქვა მან და კბილები დააკრაჭუნა.

— დამადუმე, რა! — მშვიდათ უთხრა სეთმა თვალ-მოუშორებლივ.

კაენი გაფითრდა, ხელი კეტს დაავლო და მის თვალეში იმავე საზარელმა მეველელმა გამოიკვრიტა.

— აჰა, თუ არა! — დაიბღავლა მან და მოუქნია კეტი.

ერთი თვალის დახამხამება და პატარა სეთი უსულოდ დაეცემოდა მიწაზე.

მაგრამ მოქნეული კეტი ჰაერში გაიყინა, გაშტერებულმა კაენმა ერთი ნაბიჯი გადასდგა სეთისაკენ და გაქვავებულივით მიაჩერდა მას.

კაენს არასოდეს ენახა ის საოცარი გამომეტყველება, სეთს რომ აღებეჭდა იმ წუთში სახეზე:

წყინავდ.

გაოცემულმა კაენმა სახე სახესთან აიჭრათა და თვალი თვალში გაუყარა მას.

— ხა—ხა.—ხა—ხა—ხა! — გაისმა უეცრად სეთის კისკისა ხმა.

სეთი იცინოდა.

მოღერებული კეტი ნელა დაეშვა ძირს და ხელში გაუვარდა განცვიფრებულ კაენს, ბრაზის მაგიერ სახეზე შიში აუმეტყველდა, ერთბაშათ დაემხო მიწაზე პირ-ჩაღმა და დიდხანს ეგდო ისე უძრავათ. ოხრავდა და გმინავდა მხოლოდ.

ბოლოს მხრები რაღაც უცნაურათ შეუთამაშდა და გულის სიღრმიდან საშინელი ზღუქუნნი აღმოხდა.


კაენი ატირდა.

მაშინ სეთმა მიიბრინა, დაეცა მის გვერდით მიწაზე, ხელები ყელზე მოჰხვია და თავადაც ატირდა.

— ჩემი ძმა! საბრალო ჩემი ძმა! ჩემი კაენი! — სტიროდა სეთი და ნაზად ჰკოცნიდა მას.

მაგრამ სეთის ტირილს კაენის გულ-ამოსკვნილი ზღუქუნნი ჰფარავდა.

თავუნა.



ბ ა რ რ ი კ ა დ ე ბ ი

ღამეს ფერი წაუხდა: გარიჟრაჟა, გათენდა. რუსთაველის პროსპექტზე როკვენ ბარრიკადები. მწველ შუადღის სიმკვირცხლე ნაზმა სვედამ დათენთა და... ზეციდან სცვივიან ინვალიდი კატები.

ტიციანემ იშიშვლა ხმალი მამა-პაპური. ბრძოლა არის სასტიკი: შურმა გული დახუთა. ვარამს წყალი მოსწყურდა: ალიმ შესვა „კახური“ და... ბარაკადს გადაღმა იღიმება მარჯუთა.

მწყერი ქორს შეეჯიბრა, ჩიკვი — ბულბულს, ყვა- [ვი— ორბს.


სილამაზის დედოფალს ავი სენი შეჰყარეს; ჯოჯო ყვირის: „ლომი ვარ!“ ქუჩუმელა ყვავილობს და... ტაძარში ლოცვის დროს ყრუ გიყები შეჰყარეს.

აიშალა სამოთხე... ვინ იცინის, ვინ აობს... ბრძენ კაცს თავი ამძიმებს. ჩერჩეტი ფეხ-მალია. უსახლ-კარო ზრდილობა ვირის ჩლიქში ბინაობს და... საბრალო სირცხვილმა საწამლავი დალია.

დამავიწყდა: სინდისი კაცისგან რას ითხოვდა. დიდი გრიგოლ ზმორებით საპნის ზუსტში ბანაობს. მეტიჩრობა ამ დილით ტრაზახობას მისთხოვდა და... ბრმა სახრჩობელაზე თვით პაოლო ქანაობს.

ჩვენი დედა-ქალაქი დღეს არაყით მთვრალია. რუსთაველის პროსპექტზე როკვენ ბარრიკადები. შეშლილ მთვარის დევნაში მზემა სული დალია და... ზეციდან სცვივიან ინვალიდი კატები.

d.





საქართველოს დემუშათა სააკენტოს ცნობით, თფილისის შავ-მუშა ცხენებს (და არა იმათ, რომელნიც მა-
დად ხელბის ჰირებს დაატარებენ) ვრცელი შემოწახდუმი წარუდგენიათ ქალაქის მოურავისათვის, რომელშიაც
აღნიშნავენ თავის უმწეო მდგომარეობას ვერის აღმართზე ტვირთის ამოტანის დროს.
ქალაქის მოურავს დიდის თანაგრძნობით მაუღია დემუტაცია და აღუთქვამს შემოწახდუმის საბჭოსათვის გა-
დაცემა.

გო ლ გო თ ა

ორივე საშინლად გამხდარი, პირდაპირ ძვალ-
ტყავათ ქცეული და ქანც მიღეული იყვნენ.

— აი, მეგობარო ვერის ხიდიც!

მწუხარე კილოთი უთხრა „ვასკამ“ „კოლიას“
და მძიმეთ, ისე მძიმეთ ამოიხენემა, თითქო გუ-
ლიც თან ამოატანაო.

— რა ვქნათ, რა გვეშველება!

სასოწარკვეთილებით მიუგო „კოლიამ“ და
ნაღვლიანათ გადაჰხედა მეგობარს.

— გუშინდელზე უარესი დღე მოგველის. ხე-
დავ გზა მოლიბულია. ღონემაც რომ გავვიძლოს
ფებს ვერ მოვიკიდებთ. წარმოსთქვა „ვასკამ“.

— ნუ თუ ამოდენა ქალაქში ერთი ღვთის-
ნიერი კაცი არ არის, რომ ჩვენს ტანჯვას შეხე-
ლოს და გულშემატკივრობა გამოიჩინოს!

— არა ჩემო კარგო, ჩვენთვის ვისღა სცა-
ლია, ყველა თავის თავზე ფიქრობს და ზრუნავს.
ღმერთო ჩემო, აი ხიდიც თავდება!..

— თუ გავიქირდეს ნუ გავსწევთ!

— ნუ გავსწევთ და ხელავ იმ სახრეს? მაგ
ულმერთომ შიგ სახეში იცის ცემა, თითქო სხვა
ადგილი არ იყოს დასარტყამათ.

— ოჰ რა მხეცები არიან, რა მხეცები.

ფურგონზე, რომელსაც „ვასკა“ და „კოლია“
დიდის გაქივრებით მიაგორებდენ, ნახევარი საენი
შემა ეწყო. შავ წვერა, წვრილ თვალებიანი მე-
ფურგონე მოზრდილი სახრით ხელში ფურგონის
წინა მხარეს იყო ჩამომჯდარი და დროგამოშვე-
ბით ხან ერთს, ხან მეორე ცხენს მაგრათ გადაუ-
ქერდა ხოლმე სახრეს ტყავადაკრულ გვერდის
ძვლებზე.

ვიღრე ვაკე გზა ჰქონდათ „ვასკა“ და „კო-
ლია“ თუმცა დიდის გაქივრებით, მაგრამ მაინც
მიაგორებდენ მძიმე ფურგონს, მაგრამ აი დაიწყო
ვერის აღმართი და უკვე გრძნობენ, რომ სიმძიმეს
ვერ დასძლევენ.

არა ერთი და ორი საშინელი წამები ახსოვთ
მათ ამ აღმართზე მოგზაურობიდან. ბევრი თავის
თავზე გამოუცდიათ, უფრო ხშირად მოწამე ყო-
ფილან მოძმეთა სასტიკი ტანჯვა წამებისა.

ახლაც მძიმე ფიქრებითა და მწარე მოლოდინით შეუდგენ მეგობრები ამ წამების აღმართს.

პირველი სახრის მოხვედრისათანავე უდიდესის თავგანწირულებით დასკიმეს ძარღვები მეგობრებმა და ფურგონი რამოდენიმე საყენზე გააგორეს, მაგრამ „კოლიას“ ფეხი აუსხლტა და წინა მუხლებით ქვაფენილს დაეხეთქა.

— პერიოდ, შე ვერანავ!

დასკივლა პატრონმა და თავგანწირულებით დაუშინა სახრე.

— წამოდექ როგორმე, ნუ გეშინია!.. გაამხნევა მეგობარი „ვასკამ“, მაგრამ მარტო ეს არ იყო საკმარისი. „კოლიას“ თითონაც ძლიერ უნდოდა ადგომა, მხოლოდ საამისოდ ღონე არ შესწევდა.

— ცოტას შევისვენებ, მეგობარო, და შემდეგ იქნებ წამოვდგე.— მიუგო „კოლიამ“.

— კარგია თუ კი დაისვენებდე, მაგრამ ეს უღმერთოები განა დაგასვენებენ?!. აი ტრამვიაც მოდის...

ტრამვაის ვაგონი ფურგონს მოადგა და გაჩერდა. ხალხი ტროტუარზე ჩამოვიდა და ფურგონს შემოეხვია.

— აბა ჩქარა! დაჰკა ადგება.. არიგებდა პატრონს ვატმანი და თითონ ლაგამით ღონემიხდილ კოლიას ზეზე ეწეოდა.

მილიციონერიც მობრძანდა.

— გამოუხსენით! ურჩევდა ერთი.

— რა ღროს გამოხსნაა, სამსახურში გვიგვიანდება— შენიშნავდა მეორე.

— შეშინებული უნდა იყოს! ამბობდა მესამე.

— ცოტა დაასვენეთ, შემდეგ თითონ წამოვდგება, დასძინდა მეოთხე.

ფურგონის პატრონი ყველას უჯეროდა: ხან გაშმაგებით უშენდა სახრეს, ხან გამოხსნას ეპირებოდა, ხან ყურებს უქიმავედა და შუბლზე ხელებს უსვამდა, მაგრამ ამაოდ.

— დაგტანჯეს, ამხანაგო, ამდენი ცემით, არა? შეეკითხა თვალ-ცრემლიანი ვასკა თავის წამებულ ამხანაგს.

— არა უშავს. ახლა ავდგები, მგონია. ვცდი მაინც.

„კოლიამ“ წინა მარჯვენა ფეხი გამოიღო, იმას მეორეც მიაყოლა, თავგანწირულებით მოიწვართა, რამოდენიმეჯერ დაბარბაცდა, მაგრამ მაინც წამოვდგა.

„ვასკამ“ თავი მიიბრუნა, უნდოდა მეგობრისთვის ეკოცნა, მაგრამ მოქნეული სახრე საშიშარის ძალით მოხვდა საფეთქელში და ალერსი გადავიწყდა.

— ნეტავ რა დავუშავე ამ უღმერთოს! ჩილაპარაკა მან და ღვედებს მიაწვა.

— ათიოდ ნაბიჯი კიდევ და მეტი აღარ შემიძლია! მრთოლვარე ხმით წასჩურჩულა მეგობარს „კოლიამ“.

— ღმერთი მოწყალეა, გულს ნუ გაიტეხ! გაამხნევა მეგობარმა მეგობარი.— სულ ასე ხომ არ იქნება ჩვენი ცხოვრება.

— მე გული საშინლათ მიცემს... ასე ცუდათ თავი არასოდეს არ მიგრძვნიან... რაღაც საშიშარი მომეღის!.. დაჟინებით განაგრძობდა „კოლია“.

ანანოვის სახლის დასწვრივ— ცხენები კვლავ დადგენ. ნესტოები დაებერთა, ფერდები სულ ჩაუცვივდათ და სულის თქმა შეეხუთათ.

პატრონი კვლავ სახრეს ეცა. აუწერელის სიმკაცრით სცემდა ერთსაც და მეორესაც, მაგრამ ცხენები თითქოს ველარ გრძნობენ ტკივილსაო, ადგილიდან აღარ იძროდენ. „კოლიამ“ თავი მიიბრუნა და მაღლობზე რაღაც უზარმაზარი შენობა დაინახა.

— ნეტავ რა უნდა იყოს ეს ამოდენა კოშკი? იკითხა მან მოკრძალებით.

— ამბობენ, ფოცხვერაშვილი რაღაცა გოლგოთას აშენებსო! მიუგო ამხანაგმა.

— პირველათ მესმის ასეთი სიტყვა.

— იმიტომ რომ ეს უცხო სიტყვაა. მე ასე გავიგე: გოლგოთა მთა ყოფილა. იმ მთაზე ჯვარს აცვეს ადამიანებმა თავიანთი ღმერთი, იესო ქრისტე.

— რატომ აცვეს, რა დააშავა?

— ეს არ ვიცი. მთის აღმართზე ჯვარი თურმე თითონ ქრისტეს აატანინეს თავის მხარზე და როცა წაიქცეოდა, სცემდენ... სცემდენ ისე, როგორც აი ჩვენ გვცემენ.

— საბრალო! მწუხარებით წარმოსთქვა „კოლიამ“ და გაშტერებით დააცქერდა ცაში აღმართულ ბოძებს.

— თავისი ღმერთი არ დაინდევს, ჩვენ დავგინდობენ?! აბა გავსწიოთ მეგობარო!

— არა, ჩემო კარგო, არა! ეს აღმართი ჩვენი გოლგოთა არის. მე ვიცი დღეს აქ ჩემი აღსასრულის ჟამმა მოაწია! ნეტავ ვისია ეს შეშა...

— შეშა მე ვიცი ვისია. გავიგონე ჩვენი მტანჯველი დღეს ელაპარაკებოდა საწყობის გამგეს:— კარგი შეშა აარჩიე ქალაქის გამგეობისთვის მიმაქვსო.

— უღმერთოები! განა ვერ ხედავენ რა ღღეში ვართ?

— აი ის თოფიანი კაცი, წყლან რომ თოფის კონდახს გვცემდა იმათი დაყენებული მილიციონერია. ის რომ ღვთისნიერი ადამიანი იყოს ჩვენ რას უნდა გვერჩოდეს? რა ჩვენი ბრალია თუ ღონე არ შეგვწივს! რა დაგემართა? რატო ეგრე კანკალებ, მეგობარო?

— ცუდათ ვარ, ცუდათ ძმაო! ერთი სახრე კიდევ და წავიქცევი.

კანკალმა უმატა. „კოლიას“ თვალბეზე რაღაც თეთრი ლიბრი გადაეფარა. უკანასკნელ სახრებს ველარ გაუძლო, დაბარბაცდა და წაიქცა.

წაქცეულმა ერთხელ კიდევ გადაჰხედა მალღობზე
ამართულ გოლგოთას, შემდეგ მეგობრისკენ მიიხე-
და და მიღეულის ხმით წასჩურჩულა.


— მშვიდობით, უბედურო ძმაო, მშვიდობით!
ერთი საშინლათ ააცახცახა და ტანჯული სუ-
ლი საუკუნთთ განუტევა.

მორიელი.

P. S. ამ პატარა მოთხრობას წრფელის და
კეთილის გულით ვუძღვნი ჩემს საყვარელ ქალაქის

მოურავს ბენიამენ ჩხიკვიშვილს, მილიციის უფროსს
ვალოდია სულაქველიძეს და ჩემს უფროს ამხანაგს
ეშმაკს. ვუძღვნი აგრეთვე ყველა იმ მოქალაქეებს,
რომელნიც მუდამ დღე მოწამენი არიან განსვენე-
ბული „კოლიას“ მეგობართა ტანჯვა წამების, პა-
ტივისცემით ვუძღვნი აგრეთვე თბილისის ქალაქის
ხმოსნებს და ესთხოვ, თანახმად განსვენებულის
სურვილისა, „ვერის აღმართს“ სახელი შეუცვალონ
და „ცხენების გოლგოთა“ დაარქვან.

მ—ლი



ბოლშევიკი

... და მყობადი ჩემს თვალწინ წითლად აიფოთლება,
გიჟივით მიმაქროლებს წინ წითელი ზმანება;
მაგრამ მკაცრ სინამდვილემ დამახვია ყვითლები,
ყვითლებმა ფრთების გაშლა, რავქნა, არ დამანება.

სამშობლო დამეკიდა ფეხზე, როგორც ხუნდები,
საქართველო გაყვითლდა, როგორც რომ მოლაღური;
თვით წითელი თან და თან ყვითელთ შორის ვხუნდები.
სულ ყოველგან მაგემეს ნიახური, პანღური.


მახრჩობს ბრაზი— და რისხვით ავიჩეხები ხშირად,
საშინელი ბოღმისგან მთვრალი მე შევიქნები.
მინდა დავსწვა სამშობლო, მსურს ვაქციო ნახშირად,
რომ თვის ბედს იწყველიდენ მარად მენშევიკები...

ავაფეთქო მსურს... მაგრამ... ოჰხ, ეს მკაცრი პროფილი,
დაიმსხვრევა ოცნება... ვამბობ: აწ რა მიშველის.
ჩემს წინ ზანტად ამთქნარებს პირქუში საპურობილე,
და თვალწინ გამიელვებს ლანდი მკაცრ რამიშვილის.

ვით აჩრდილი საზარი მდევნის მე მუდამ ნოე,
დედინაცვალ სამშობლოს კარი დაუკეტია...
ლაშის მოვწყდე ამ სოფელს, გავხდე მეუღაბნოე...
რავქნა, რაც განვიზრახე... ფაჩულია... კედია...

თუმც მყობადი ჩემს თვალწინ წითლად აიფოთლება,
თუმც გიჟივით მიმაფრენს წინ წითელი ზმანება.
ეჰ, ოცნება მემტვრევა, როგორც კლდეზე ბოთლები,
ყვითლებმა ფრთების გაშლა, რავქნა, არ დამანება.

ილაუ.



წერა-კითხვის გამავრცელებელ საზოგადოების გამგეობას

ჟურნალ „ეშმაკის მათრახის“ თანამშრომლის, ქალაქ თბილისის მცხოვრების, თავუნას

თ ხ ო ვ ნ ა

მართალია, ამ ჟამად სამუშაო მაქვს („ეშმაკის მათრახის“ თანამშრომელი გახლავარ) და ლუკმა-პურს ვშოულობ, მაგრამ ვინაიდან შესაძლოა, რომ როდისმე ჩვენი ჟურნალის არსებობა შეწყდეს და მე უსაქმოდ დავრჩე, ამიტომ გთხოვთ ყურად იღოთ ეს ჩემი უმორჩილესი თხოვნა.

ყოველი ადამიანი ცდილობს ისე მოაწყოს თავისი ცხოვრება, რომ მისი არსებობა რაც შეიძლება ხანგრძლივად იყოს უზრუნველყოფილი.

დღევანდელ მდგომარეობაში მე ვერ მომიწახავს ისეთი დაწესებულება, რომელსაც ახლო თუ შორეულ მომავალში რაიმე საფრთხე არ მოელოდეს და აბსოლუტურად მყარ ნიადაგზე იყოს დაფუძნებული.

სახელმწიფოებრივი დაწესებულებანი ამ მხრივ ყველაზე არა საიმედო თავშესაფარს წარმოადგენენ, ვინაიდან დღეს თუ ხვალ, მოსალოდნელია ან შინაგანი „გადატრიალება“ (ნუ დაივიწყებთ ჩვენი ნაციონალ-დემოკრატების ქადილსა და მუქარას), ან კიდევ გარეშე მტრების შემოსევა.

სხვა რაიმე სამსახური კიდევ უფრო საეჭვოა: ბანკები შეიძლება როდისმე გაკოტრდეს, კერძო სავაჭრო-სამრეწველო დაწესებულებათა პატრონი და ხელმძღვანელი დაიხოცნენ, გაზეთები დაიხურონ...

ერთად ერთ გამონაკლისს წარმოადგენს თქვენდამი რწმუნებულ საზოგადოებასთან არსებული კომისიები, რომელთაც განსვენებული გოგებაშვილის სახელმძღვანელოების გადაშინჯვა და შესწორება აქვს მინდობილი.

მე კარგათ მესმის, რომ ჩვენს წუთისოფელში არა არის რა სამარადისო და, ვინ იცის, იქნებ დროთა დაუსრულებლობაში ამ კომისიებსაც უწერია გაქრობა, მაგრამ ეს ხომ ცხადია, რომ მათი არსებობა დამოკიდებულია მათივე წევრების ნებასა და სურვილზე, ასე რომ სანამ წევრები, ღვთის მადლითა და განგებით, ცოცხალი იქნებიან, მანამ არც კომისიებსაც გაუქირდებათ-რა.


ამიტომ უმორჩილესად გთხოვთ თქვენის კეთილის გულით ჩასწვდეთ ჩემს ოჯახურს მდგომარეობას (სამი ცოლი მყავს და შვიდი წვრილ-შვილი) და დამნიშნოთ ერთ-ერთ აღნიშნულ კომისიათაგანის წევრად იმ პირობებით, რა პირობებითაც სხვა წევრები მუშაობენ.

სიტყვას ვაძლევ პატივცემულ გამგეობას, რომ მე კარგათ ვიცი პროფესიონალური საიდუმლოს შენახვა და კორპორაციული ინტერესების დაცვა და რაკი აღნიშნულ კომისიის წევრათ დავინიშნები, თავ-გამოდებით ვიბრძოლებ ჩემისა და ჩემი ამხანაგების ინტერესებისათვის და კრინტსაც არ დავძრავ უცხოებთან იმის შესახებ, რაც საპროფესიო საიდუმლოებათ იქნება მიჩნეული.

პატივისცემით თავუნა.

P. S. ამ თხოვნის პასუხს ველი მომავალ კვირამდე. უკეთუ არ მომივა, უფრო დასაბუთებულ თხოვნას წარვადგენ გამგეობაში „ეშმ. მათრ.“ საშუალებით.

თ—ნა.



სადგურზე

(შეგობის ნაშრომი)

მოქალაქე. ფქვილი გახლავს ბატონო, ქალაქში მიმაქვს საკუთარი მამულიდან.

სად. უფროსი. რამდენი ფუთია!

მოქალაქე. ხუთმეტი.

სად. უფროსი. მოწმობა გვიბოძეთ.

მოქალაქე. ინებეთ!

სად. უფროსი. ეს ვისი მოცემულია?

მოქალაქე. თემის ბატონო.

სად. უფროსი. თემი ვინ არის! თემი რა მოხელეა? უკაცრავათ, მე არავითარ თემს არ ვიცნობ.

მოქალაქე. თემს ნება აქვს, ბატონო, მოწმობა მოგვცეს. აი თითონ გასინჯეთ.

სად. უფროსი. (კითხულობს) აქ ფქვილი არა სწერია... აქ კირნახული სწერია. არ შეიძლება, გარკვევით უნდა იყოს აღნიშნული. ფქვილი ხომ კირნახული არ არის...

მოქალაქე. მაშ რა არის, ბატონო! ფქვილი კირნახულია, მაშ რა არის, მაგრამ აი ფქვილიც სწერია...

სად. უფროსი. ფქვილიც სწერია, მაგრამ ეს დოკუმენტი არ ვარგა... ეს რა დოკუმენტია!.. ჩემთვის ისეთ დოკუმენტსა აქვს მნიშვნელობა, რომელზედაც ნოე ჟორდანიას აწერს ხელს. ინებეთ და მოგვიტანეთ...

მოქალაქე. ახლა სად ვიშოვო, ბატონო, ნოე ჟორდანიას ხელ მოწერილი ქაღალდი. წინეთ რო მცოდნოდა... იქნებ მეშოვნა...

სპეკულიანტი. (მოქალაქეს განზე გასწვევს და ჩუმად ეუბნება) თქვენ ჟორდანიას ხელ მოწერილი დოკუმენტი გინდათ?..

მოქალაქე. დიახ, ბატონო, დიახ!

სპეკულიანტი. აი ის დოკუმენტი, რომელიც თქვენ გქირია... (იღებს ხუთას მანეთიანს) აქ ჟორდანიას უწერია ხელი და სადგურის უფროსიც კმაყოფილი იქნება. თუ გინდათ, ექვსას მანეთად შემიძლია მოგყიდო.

მეჭრთამე.

შექანდალებულის ლექსები

ჰარალო, ბიქო ჰარალო...
 ზეცას დაუღბა თვალები...
 ხეები ყვითლად იცინის,
 მიწას ჰფენს ფერმკრთალ ხალებით.

ჰარი ჰარაღე, ჰარაღე...
 ტყე საცოდავად შრიალებს...
 ვით შეინახავს თფილისი
 ამდენ ცუდ ოხერ ტიალებს.

შემოდგომაზე სოფლები
 ტკბილ მაკრით დაითენებდა.
 ცეცხლი უნავთოთ, უშეშოთ
 ნეტავი თუ დაინთება.

მითხარ ეგვიტო, გუშინ წინ
 როგორ მოხრაკე წიწილი...
 უცეცხლოთ სადილს წვავ, ხარშავ...
 მიტომ ამიტყდა სიცილი.

ავი ავის მეტს რას იზამს,
 თუ კი ეს გულით ინება;
 ბაქოს არ უნდა ჩვენსკენა
 ნავთისა წარმოდინება.

უცეცხლოთ დაწვას გვიპირებს,
 უნავთოთ ცეცხლის დანთებას.

ის ფიქრობს: მოგვეკლას სიცილით
 მიგვცეს სურდოს და ანთებას.

ბაქოჯან! ამ გზით შენ ჩვენში
 „ცეცხლის დანთებას“ ნუ ფიქრობ.
 არ გავწითლდებით არას გზით...
 და ტყვილა თარნებს რად გვიქრობ...

ქართველი რის ქართველია
 თუ არ დასძლიოს კირია...
 თუ ნავთს არ მოგვცემ, ბევრი გვაქვს
 შეშა და ქვა-ნახშირია!..

ეკონომიურ თათბირზე
 ცხვირში გავირქვე შუბია...
 წამოდი, აბა, დავხუროთ
 ყველგან შანტანი, კლუბია...

შენ რომ ქეიფობ ყოველ დღე...
 გიყვარს კლუბებში გართობა,—
 მეც მიმიწვევდი ერთხელა...
 აგია შენი ერთობა?!

თხას ღმერთი რო გაუწყრება,
 ხუთი რქა გამოვსხმება...
 ბაქო ჰყეფს განწირულივით,
 შური ჰკლავს, თავ-ბრუ ესხმება.

ალ-ქაჯებს ღამის წყვდიადში
მუდამ სუფრა აქვს გაშლილი...
აკრძალეს ტკბილეულობა...
რითი ვარჩინო ცოლ-შვილი...

ვიფიქრე: ქვეყნისა საქმეს
ნეტავ რა გამოასწორებს...
ეჰ, რა გასწყვეტს ამდენ მგელსა,
ტურა-მელებს, სვავეებს, ქორებს...

რა გაცინებს ცივო ქარო
უკუო ხარ და ჩერჩეტი...
რავექნა, ვერ გამოვარკვე
მე დღიური ბიუჯეტი...

აწი საკანდიტროებში
ვინ იხილოს ტორტ-კულიჩი...
რა კარგია არაყს რო სვამს
ჩვენი ივან ივანიჩი.

შექანჯალებული.



ს ა გ ა რ ე ო ს ა ქ მ ე ე ბ ი .

რ ა მ მ უ მ ჯ ა ი ძ უ ლ ა



იყო დრო... და მას შემდეგ არც ისე დიდი ხანია, გულ-ხელ დაკრეფილი თავუნა დრმა ფიქრებს მასტეობდა
და თვალა სივრცეში მიუჭერთ.

- რაზე ფიქრობ შეგობარო? — ჭკითხა მას ეშმაკმა და მღიმარე თვალით გადაჭხენდა.
- ცუდათ არის ჩვენი საგარეო საქმეები, ძლიერ ცუდათ.
- შე კაი კარო! მერე ამაზე რა კადარდებს?
- რაგორ თუ რა!
- დიხსნც სადარდელი არაფერია. უბედურება ის იქნებოდა კარგათ რომ უოფილიყო.
- ვერაფერი გამოვიდა...
- აი კაიგებ: წამსდარი საქმის გამოკეთება შეიძლება... ამის მოხელეს ჩვენ ბევრს ვიშოვით, მაგრამ წარმოდგინე შენ ჩვენი უბედურება საქმე კარგათ რომ უოფილიყო!..
- მართლაც ვის ვიშოვით ისეთს კარგი საქმე რომ გაუფუჭებია.
- რასაკვირველია ვერაფერს! შე დანამდვილებით ვიცი, — კარლო ჩხეიძე როცა დილით თვალს გახსნის ჰირველ უოფლისა გააფრთხილებს ამხანაგებს: — აბა შეგობარებო, სიფრთხილდე, ვინძლო არაფერი გაფაფუჭოთო.
- მას რა ვქნათ?
- გამოფრცვალოთ. შე ხარისში შეგუფლებს ორი ჩვენი ერთგული მუშაკი:


ნ.ბ. გუდიაშვილისა



ნ.ბ. შილიკოსი



შეგვიძლია მათ მივანდოთ საგარეო საქმეები, იმ ჰირობით კი, რომ ვრცელი ანგარიშები წარმოგვიდგინონ უოველი თვის დამღვეს.
 მუსაიფი ამაზე შეჩერდა.



დაუეფნებელი ენობა შაღაკის:—მინახს კარგი ჩხეიძე, ჩამოართვას მას სავარკა წარმომადგენლობა და შეუდგეს ამ მძიმე მოვალეობის ასრულებას.
 შაღაკი ასე მოიქცა.



წარმომადგენლობის ჩაბარების შემდეგ „ეშმაკის მათრახის“ რწმუნებული ხარისის ქუჩებში გამოვიდა ბოლთის დასარტყამათ.



სოლო დასკენების შემდეგ თავისს სამხატვრო სხუელასნას დაუბრუნდა და აღმსენებლობითი მუშაობას შეუდგა.


(შემდეგი იქნება)

ღრმაღლის კომისარი

სადაც მე ვერ კომისრად
 ის უბანი მშვენიდება:
 ნგრევით ბევრი ინგრევა*)
 შენებით, — არ შენდება.
 ყურადღებას არ ვაქცევ
 კანონს, დადგენილებას,
 მე ვასრულებ როგორც მსურს
 ჩემს სურვილსა და ნებას.
 სამართალი მისკენ მაქვს,
 ვისი კიქაც დილია,
 სოფელი თუნდ დაინგრეს,
 ფეხებზედაც მკილია.
 მცხოვრებლებსა, ვით ცხვარსა
 სადაც მსურს იქ გავრეკავ.
 მე ვწირავ ჩემებურად,
 ზარსაც ისე დავრეკავ.
 უპატრონო სოფელსა

დღეს მე ვეპატრონები,
 აქ ოთხნი ვართ ბატონნი,
 დანარჩენი მონები!
 ვისთან წავლენ საჩივრად
 არ იციან გზა კვალი,
 თუ მომმართვენი ისევ მე...
 ხელში მაქვს სამართალი.
 თუ მთვრალი ვარ ვინ მკადრებს
 სიტყვას უკმებს შიშითა!..
 მეც კომისრად ვითვლები
 წესით ანგბრიშითა.
 სადაც მე ვარ კომისრად,
 ის მიდამო მშვენიდება.
 საქართველოს ოჯახი
 მალე აუშენდება.

ან. განჯისკაოელი.




*) ღრმა-ღელეში ახალ მოდის სპეკულიანტები ყიდულობენ სახლებს და რადგან მასალა ძვირია ანგრევენ მშვენიერ შენობებს და მასალად ჰყიდიან, რომელშიაც აუარებელ ფულს იგვებენ. ამ საქმეში ენერგიულათ მუშაობს, ჩვენი კომისარიც.

განჯისკარელი.

საბჭოთა რუსეთში

წვრილი და მსხვილი



საგანგებო კომუნისტი. შესედე, მეგობარო, ეს წყაუბატანი რეკორდს გასუქებულა. ალბათ ჩვენი სისხლით იკვებება. სიკვდილი მაგას!

წერილი რედაქციის მიმართ

ამხანაგო რედაქტორო! წინდაწინვე ბოდიშს ვიხდი იმ ცოტად თუ ბევრად აღშფოთებული კილოს შესახებ, რომელიც ჩემდა უნებურათ შეიძლება თან დაჰყვეს ამ ჩემს პატარა წერილს.

პატივცემულ ჟურნალ „ეშმაკის მატრახის“ 44 ნომერში მოთავსებულია „პატარა ფელეტონი“ ამხ. ეშმაკისა.

ფელეტონში მოთხრობილია ამბავი მუშათა კლუბში მილიციონერებთან შეტაკებისა და უნდა გამოვტყდე, მოთხრობილია გასაშტერებელის მიდგომათ და მიკერძებით.

ღმერთი, რჯული არავითარი შეტიჩრობა და განდიდების სურვილი მე არ მალაპარაკებს საზოგადოთ და არც მით უმეტეს ამ შემთხვევაში, მაგრამ მეც ადამიანის გული მაქვს და მეწყინება როცა სრულიად უდანაშაულოდ დამჩაგრავენ.

დიდი პატივი და მორიდება, მაგრამ ამხანაგ ეშმაკს სჩვევია ერთი მიუტევებელი ზნე... ზნე

სხვათა დამსახურების მითვისებისა. უკეთუ თქვენი რედაქცია კოლევიალური დაწესებულება არის, მაშინ ეშმაკს არ უნდა ჰქონდეს უფლება დანარჩენი წევრები რედაქციისა შეცდომაში შეიყვანოს და ჟურნალი მხოლოდ თავისი ავტორიტეტის გასაზრდელათ გამოიყენოს. ეს კი სწორეთ ასე ხდება და ამ ჩემს სიტყვებს ნათლად ასაბუთებს ზემოხსენებული „პატარა ფელეტონი“.

პირველ ყოვლისა აღვნიშნავ, რომ იმ ვახშამს, რომელიც შეადგენს ფელეტონის დედა ძარღვს, ამხ. ეშმაკი სრულიადაც არ დასწრებია. თუ არ ვცდები არც სამსონ დობორჯგინიძე.

ამას კიდევ შეურიგდებოდა ადამიანი, რომ ამხ. ეშმაკის განდიდების სურვილი მარტო ამით თავდებოდეს. ეს მხოლოდ ყვავილებია და ნაყოფი კი ქვემოთ იხილეთ:

„ხმა შე უბადრუკო! დავსძახე მე (მოგვიხარობს ამხ. ეშმაკი) ვინ არის შენი უფროსი?



საგანგებო კომუნისტი. ერთა ამს დამისედე, ამხანაგო! ეს თუ კარგი კაცია რატომ არის ასე გამხდარი, ალბათ ჩვე სსწინააღმდეგეთ ფიქრობს დღიან დამიანათ. სიკვდილი მაგას!

ჩვენი უფროსი ჩვენა ვართ. ჩვენი ნებაა ყველაფერი! თუ მოგვესურება თქვენცა და თქვენს უფროსსაც ხვალვე გამოვსცვლით და სხვას დაგაყენებთ“.

ამხანაგებო! ეს სიტყვები მე მეკუთვნის. რა უფლება ჰქონდა ამხ. ეშმაკს, თუ ის მართლა ამხანაგია. სხვისი სიტყვები თავისათ გაესაღე. ია და მით საზოგადოება შეცდომაში შეეყვანა? რა სახელი უნდა ვუწოდოთ ასეთ საქციელს პასუხსაგებ პოსტზე მყოფ ამხანაგისას? მე აღარაფერს ვიტყვი, დე, თვით მკითხველმა საზოგადოებამ დასდოს მსჯავრი.

მე მხოლოდ გამოვსთქვამ იმედს, რომ „ეშმაკის მათრახის“ რედაქცია მიიღებს ყოველგვარ ზომებს, რათა მომავალში არ გამეორდეს ასეთი მიუტყვებელი ამბავი.

პატივისცემით ჩხენკელი.

რედაქციისაგან. ზემოაღნიშნულმა წერილმა ჩვენს რედაქციაში დიდი სენსაცია მოახდინა. რედაქციის წევრ ამხ. ეშმაკზე. კარგა ხანია ასეთი ეჭვები გვქონდა, მაგრამ ვერ დაგვემტკიცებია, სწორეთ ისე, როგორც ოთხ ჩვენ ნაცნობ დეპარტამენტის დირექტორებზე, რომლებსაც...

დღეს ეშმაკის ოინბაზობათა კვალს თითქოს მივაგენით და მყისვე ვაფრინეთ კაცი აკაკი ჩხენკელთან საქმის დაწვრილებით გამოსარკვევათ.

პატივცემული მოღვაწე გადაჭრით უარყოფს ზემოაღნიშნულ წერილის ავტორობას და ამტკიცებს, რომ ინცინდენტის დროს ის აჭარაში მოგზაურობდა.

რედაქცია მძიმე საგონებელში ჩავარდა, ვინაიდან ვერ გამოურკვევია წერილის ავტორის ვინაობა. მიღებულია ყოველგვარი ზომები და თუ ყველაფერი ის, რაც ამხ. ჩხენკელის წერილში სწერია სიმართლეა, რედაქცია სასტიკ ზომებს მიიღებს ამხანაგი ეშმაკის წინააღმდეგ.




საპნის ბუშტები

(„ბარკადის“ გმირებს)

„ბარკადებზე“ დგანან მუშტებით
 პავლო, გრიგოლი, მათთან ტიციან,
 სკლიან ყუმბარებს საპნის ბუშტების
 და ვის ებრძვიან—თვით არ იციან.
 რა სურთ ამ ვაჭებს, ქუჩის ბრეკიებს,
 რომ ტრახბახობით წაიღეს ყური?!.
 არ მოგაგონებთ „ნაცარქეჩიებს“
 მათი მუქარა, მათი ფაფხური?..

ვაშა, ვაჭებო! თქვენს რაინდობას
 შთამომავლობა არ დაივიწყებს;
 დღეს თუ უცხადებს ძველი მაინც ნდობას,
 ხვალ სამუდამოთ გადაივიწყებს.
 მაშ ააჩქეფეთ გრძნობის ფანტანი,
 ქუჩა მოჰფინეთ ვნების ვარდებით
 და გაახარეთ კაფე-შანტანი,
 ვიდრე მოდიდნენ გადავარდებით!

ხუმარა.



„სტამბოლის დანახება“



საბჭოთა რუსეთი და საბჭოთა ანკლავთა ცდილობენ სომხეთს „სტამბოლი დანახონ“.